

# تورکیا بو یول ملت مجلیسی

## ضبط سابق

توز او توز او چنجی اجتماع

مندرجات

اوراق وارده :

صیہ و کیلی انتخابی :

برنجی رئیس و کیلی حسن فہمی بک استعفا نامہ سی  
آناطو ایدہ قوتلی برتلسز تلغراف استاسیونی تأسیسی ایچون پوستہ و تلغراف مدیریت عمومیہ سی بودجہ سنہ پارہ علاوہ سی حقندہ کی  
قانونک مذاکرہ و قبولی

### برنجی جاسہ

رئیس : برنجی رئیس و کیلی حسن فہمی بک افندی

کاتبلر : عاطف بک ( قیصری ) محمود سعید بک ( موش )

۲۴ کانون اول ۳۳۷ جمعہ ابرتسی ساعت ۱۰۴۵ صوکرہ

کوتاہیہ مبعوثی جمیل بکک اسلحہ ممنوعہ مصادره  
اولنالردن جزای نقدی اخذینہ دائر تکلیف قانونیسی :

لایحہ انجمنہ کوندریورز .

کوتاہیہ مبعوثی جمیل بکک قیش موسمندہ دوآرہ

اوکلہ تعطیلرینک الغاسنہ دائر تکلیف قانونیسی : لایحہ

انجمنہ کوندریورز .

غازی عینتاب مبعوثی عبدالرحمن لامع افندینک غازی

عینتاب سنجاغی اوقاف معاملاتہ دائر تکلیف قانونیسی :

لایحہ انجمنہ کوندریورز .

منتشا لواسی مجلس عمومیسندن مورود بر تلغراف

واردر او قونماسنی آرزو ایدیورمبسکمز : ( جواب یازلسون

سسلسری )

رئیس — مجلس کشاد ایدلدی . ضبط سابق

خلاصہ سی اوقونہ جق ( ضبط سابق خلاصہ سی اوقوندی )

ضبط سابق خلاصہ سی حقندہ مطالعہ و ارمی ؟

صالح افندی ( ارضروم ) — ضبطدہ سوریه حکومتی

دنیلمش . حالبوکہ : ہیئت و کیلہ نک تکلیفندہ فرانسزلر

دینور . اوصورتہ تصحیح ایدلملیدر .

رئیس — بشقہ مطالعہ و ارمی ؟

حمدالله صبحی بک ( آنطالیہ ) — مجلس عالی برتحقیق

هیئت تشکیلہ قرار ویرمشدی . بونک بو کون تشکیلی

مجلس عالیدن رجا ایدرم .

رئیس — ضبط سابق صالح افندینک تکلیفی وجہلہ

قبول ایدلدی .

پك اعلا جواب يازيلير افندم !

قوچكيري هيئت تحقيقيه سندن مكش بر تلغراف واردز :

بو يوك ملت مجلسي رياسته

۲۰ - ۱۲ - ۲۷ تاريخ و ۷۶ نومر وليدر

۱ - هيئتمز اعضا سندن عبدالقادر كالي بك قوچكيري تحقيقاتنك ختام بولمش اولديغندن صامسون تحقيقاتي دخي شخصاً قبول ايتديكندن

بجمله ۲۰-۱۲-۲۷ صباحي سيواسدن قصري به حركت ايتهدر .

۲ - هيئتمز قوچكيري تحقيقاتنك انتاجيله مشغول اولديغي

معروضدر . ۲۰-۱۲-۲۷ قوچكيري تحقيق ودرسم تدقيق هيئتي نامه

بولي مبعوثي

يوسف عزت

رئيس — ديار بكر مبعوثي قدری بلك آقره شهرى

داخلنده شهر پوسته سى تاسيسنه دائر بر تقرر ي وار :

مساعده بيورور سه كز داخله وكالتنك مطالعه سنى

الدقندن صوكره مجلس عاليكزه عرض ايدم . (موافق سسلرى)

ترجان - ارزنجان - سيواس طريقنك تعميرى ايچون

۳۳۸ سنه سى نافعده بودجه سنه مقدار كافى تخصيصات

علاوه سنى ارزنجان مبعوثى حسين بك تكليف ايدىيور .

تسيب بيورور سه كز نافعده وكالتنه حواله ايدم . چونكه :

۳۳۸ بودجه سى هنوز مجلس عاليكزه كله مشدر .

( موافق سسلرى )

صحيحه وكالتى اتخاني ايكنجى دفعه اولمق اوزره

اجرا ايدم جكز . رآى پوصله ليرنى احضار ايدىكز .

هداه صبحى بك ( آنطاليه ) — رئيس بك ! تكليفى

مجلسه عرض ايدىكز .

رئيس — اتخاب بيتدكدن صكره اونى ده عرض

ايدرز . ذاتاً مجلس على قرار وير مشدر . . . . . افندم ! تسيب

بيورور سه كز معارف وكالتنده بودجه خارجنده كى

صرفياتى تدقيق و تحقيق ايچون بش ذاتدن مركب اولمق اوزره

تشكيلنه قرار ويرلمش اولان هيئتك اتخاني ده اجرا ايدم . . .

سليمان سرى بك ( يوزغاد ) — افندم ! واقعا بش ذاتدن مركب

بر هيئتك اتخاني قبول ايدلدى . فقط ؛ شكل اتخاب تعيين

ايدلدى . هيئت عموميه ده مى اولسون يوقسه انجمنلرده مى

اولسون ؛ بوجهت تقرر ايتدى .

مصطفى كال بك ( ارطغرل ) — افندم ! تحقيق هيئتي

شعبه لردن ياپلسون ، بش شعبه دن بر ذات اتخاب ايدلسون ،

مسئله بيتسون كيتسون .

رئيس — افندم ! ارقداش لردن سليمان سرى ومصطفى

كال بلكر معارف وكالتنده بودجه خارجى صرفياتى تدقيق

ايچون اجرا قلنه جق اتخاباتك شعبه لرحه اجرا سنى تكليف

ايدىيورلر . بونى رآيكزه عرض ايدىيورم . . . . . بواتخابك

شعبه لره حواله سنى قبول ايدنلر لطفأ ال قالدىرسون . .

( قبول ايدلمشدر ) هر شعبه بر ذات اتخاب ايدم جكدر .

سليمان سرى بك ( يوزغاد ) — او كوز قومىسيوتى ده

اتخاب ايتسونلر . . . . .

رئيس — صحيحه وكيلى اتخابنه باشليورز . ( رآيلر

طوبلانمغه باشلاندى ) رآى ورمه ين ذوات وارسه لطفأ

رآينى ويرسون . . . . . استحصال آرا ختام بولمشدر . هميد بك

بيغا ، حاجى فيضى افندى العزيز ، فخرالدين بك قارص ،

تصنيف آرايه مأمور ايدلديلر .

رئيس — افندم ! نفس يابه جغز فقط ؛ بر كاغد وار

اوقونسون ده اوندن صكره اون بش دقيقه نفس ايدم :

بو يوك ملت مجلسى رياسته جليله سنه

كثرت مشغوليتدن وجودجه حسن ايدىكز بورغونلنى مهمامكن

تخفيف ومحتاج اولديم نداوى يى تا مين ايدم بيلمك ايچون برنجى

رئيس وكالتندن عفو بيورولمغنى مجلس عاليدين احترام ايلرم .

۲۴ كاتون اول سنه ۳۳۷ كوشخانه مبعوثى

حسن فهمى

بعده جلسه تعطيل ايدلدى .

### ايكنجى جلسه

رئيس : ايكنجى رئيس وكيلى فائق بك

كاتب : رضا خورشيد بك ( لازستان )

۲۴ كاتون اول ۳۳۷ جمعه ايرتسى ساعت ۲،۳۰ صكره

بلك استعفانامه سى واردى . هيئت جليله قبول ايدىيورمى

ايتيورمى ؟ اول باول بونى رآيه قويسكز .

رئيس — افندم ! جاسه كشاد اولوندى .

يوسف ضيا بك ( بتليس ) — رئيس بك ! حسن

رئیس - افندم ! صمیمه وکالتی ایچون یاسیلان آتخاباته  
 ۱۸۸ کیشی اشتراک ایتمش . نتیجه ده رضا نور بک ۹۱ ،  
 علی حیدر بک ۷۹ رأی آلمشدر . ۷ رأی ده اوپراتور امین  
 بکه ویرلمشدر . رأی آلاندها بشقه آرقداشمزده واردر .  
 حالبوکه نصاب ۹۵ اولمق لازم کلیر بناء علیه ؛ اکثریت  
 حاصل اولمه مشدر . یکیدن انتخاب یاپه جغز . بوسفرکی  
 آتخابی رأی اضافی اوله رق یاپه جغز . اوکا کوره لطفاً  
 رأیکیزی ویریکزی ( رأیلر طویلانمغه باشلانندی )  
 جمیل بک ( کوتاهیه ) - افندم ! رأیلرک طاعناماسنی  
 تأمیناً ک چوق رأی آلان رضا نور بکه علی حیدر بکه  
 رأیلر ویرلسون .

رئیس - استعمال رأی ایتمه ن ذوات رأیلرینی استعمال  
 ایسولنر . افندم ! استحصال آرا ختام بولمشدر .

( رفعت افندی قونیه ، حمید بک بیغا ، حلمی بک  
 آنقره ، آرناک تصنیفه مأمور ایدیلدیلر )

رئیس - افندم ! تلسز تلغراف حقننده آیدین مبعوثی  
 اسعد بکه رفقاسنک برتقریری وار :

ریاست جلیله

لزوم ووجوبی درکار اولان و مجلسه تودیع ایدلش بولنان تلسز  
 تلغراف مباحه سنه دائر لایحه قانونیه نك مستعجلاً مذاکره سنی  
 تکلیف ایلرز . ۲۴ کانون اول ۲۳۷

آماسیه	قارص	قارص	آیدین مبعوثی
عمر لطفی	فخر الدین	علی رضا	اسعد
		بولی	بروسه
		شکری	امین

رئیس - افندم ! بولایحه قانونیه روزنامه مزده در .  
 بوتقریر موجبنجه شمدی مذاکره سنی قبول ایدیور میسکز ؟  
 قبول ایدنر لطفاً آل قالدیرسون ( قبول ایدلشدر )  
 افندم .

اسباب موجه لایحه سی

حکومت مزک مخبره نقطه نظرندن بوکون عادتاً بر آبلوقه  
 آلتنده بولندیفی و آناتولینک آوروپا ابله طررق مخبره سنک  
 مدت مدیریتی سیاست منقطع ایکن اخیراً آچیلان  
 فقط ؛ینه انکلیز قوترونلک تحت تهدید و تضییقنده بولنان  
 استانبول طریق . ایکنجیسی : ایتالیانلرک مخبراته دائمی  
 مشکلات و تأخرات ایقاع ایستدکری و صوک زمانلرده عظیم

اجرته تابع طو تدقاری - ومع مافیه شیرایه اوغرایان قسمنک  
 ملکیتی انکلیز لره عاند اولمق حسسیله یینه انکلیز و یونانیلرک  
 مراقبه سنه معروض دیمک اولان ردوس - شیراب ایتالیا  
 طریق . اوچنجیسی : تورک و روس حکومتلرینک کندیلرینه  
 عاند مخبراته محمول بولسان و اوزون اولمسندن ناشی  
 ایچون سریع مخبراته صالح بولنمیان باطوم - موسقوا طریقیدر .  
 بناء علیه ؛ دولتک اهمیت و حیاتی برایشنک هر آن سگته دار اولسی  
 و محتمل و معمل شو اوج طریقه انحصاری نظر دفته آنه رق  
 هر درلو احتمالات قارشوسنده حکومتک اوروپا مراکز  
 مدنیسه سنه بتون آمال و افکارینی باجمله مشکلاتی قیره رق ،  
 هر ایستدیکی وقت سرعتله ابلاغ ایده بیللمسی ایچون ارباب  
 احتیاصک تحمینی و جهله یوز یکر می بیک لیرا صرفیه  
 آناتولینک مساعدر برینده لا اقل اوج درت بیک کیلومتر اولمق  
 بر ساحه داخلنده مخبره یه صالح بویوک و ثابت برتلسز تلغراف  
 استاسیونی تأسیسی الزم کورولمش و بوبابده قلمه آلان ماده  
 قانونیه لفا تقدیم قلمشدر .

ماده قانونیه لایحه سی

- ماده ۱ - آناتولیده بویوک برتلسز تلغراف  
 استاسیونی مباحه و تأسیسی ایچون پوسته و تلغراف مدیریت  
 عمومی سی بودجه سنه یوز یکر می بیک لیرا ضم اولمشدر .
- ماده ۲ - اشبو قانون تاریخ تصدیقندن معتبردر .
- ماده ۳ - اشبو قانونک اجراسنه داخلیه و مالیه  
 وکالنلری مأموردر . ۲۷ تشرین ثانی ۳۳۷

شرعیه و کیلی اجرا و کیلیری هیئت رئیسی وارکان  
 فهمی حربیه عمومی و کیلی فوزی

داخلیه و کیلی	عدلیه و کیلی	مدافعه ملیه و کیلی
علی فتخی	رفیق شوکت	مأمورینده
معارف و کیلی	مالیه و کیلی	خارجیه و کیلی
مخدوهی	حسن حسنی	یوسف کمال

صمیمه و معاونت اجتماعیه و کیلی اقتصاد و کیلی نافع و کیلی  
 دو قنور رفیق محمود جلال حسن رؤف

موازنه مالیه انجمنی مضبته سی

تلسز تلغراف استاسیونی تأسیسی حقننده اجرا و کیلیری

هیئت ریاستندن ۱۸ - ۱۱ - ۳۳۶ و ۲۷ - ۱۱ - ۳۳۷  
 تاریخی تذکره لرله کوندرلمش اولان ایکی قعله لایحه  
 قانونیه انجمنزده مذاکره ایدلدی. تلسز تلغراف استاسیو -  
 نیک تأسیسی لزومی محتاج مناقشه اولماقده یالکیز مصارف  
 تأسیسیه نیک مقداری خصوصی محتاج تدقیق کورولمشدر.  
 اجرا وکیلری هیئتجه برنجی لایحه ده الی بیک وایکنجی  
 لایحه ده یوزیکرمی بیک لیرا مصارف تأسیسیه طلب ایدلمسینه  
 مبنی بوفرک ایضاحی ایچون انجمنزده دعوت ایدیلن  
 پوسته و تلغراف مدیر عمومی صبری بک تأسیس ایدیله جک  
 تلسز تلغراف استاسیونیک درت بیک قرق کیلو مترولق  
 مسافه ایله اجرای مخبریه مقتدر، اک قوتلی ماکنه لردن  
 انتخاب ایدیله جکنی وانکلز وایتالیان فابریقه لری بوتأسیساتی  
 ایکی یوز بیک ایرادن نقصانه ویرمدکلری وحقی بعض  
 فابریقه لر طرفندن بوتأسیساتی یا بق ایچون وقوع بولان  
 مراجعتلرده ایکی یوز الی بیک لیرا طلب ایدلدیکنی  
 وانجق مارق فیاتنک دوشکونلکی ولمان فابریقه لرینک  
 اخراجی تزیید ایچون فینانلری تنزیل ایله مش اولملری  
 حسیله المانیان نقصان فیاتله تدارکی ممکن اوله جغنی  
 و آلمانیان اخراج و جلب ایتدیلمسی چاره سی بولندیغنی  
 و یوز بیک لیرایه پا دیلمسی امید اولوندیغنی و احتیاط  
 اوله رقیکر می بیٹ لیرا قونولدیغنی بیان ایله مش و ایضاحات  
 واقعه انجمنزجه قناعتبخش کورولمشدر. انجق احتیاط  
 اوله رقیکر می بیک لیرانک قونولمسینه لزوم اولیوب  
 ایلروده شاید مصارف انشائیجه پاره اقتضا ایدرسه  
 تخصیصات جدیده اعطاسی ممکن اولدیغندن تخصیصاتک  
 یوز بیک لیرا اولمق اوزره قبول و تعدیلی واشبو تخصیصاتک  
 ۳۳۷ سنه مالیه سی طرفنده کاملاً صرفی ممکن اوله میه جنی  
 دریش ایدیلرک سنه مذکور طرفنده صرف ایدیله مین  
 مقداری دوراً اوچ یوز اوتوز سکنز سنه سننده صرف  
 ایدیله جکنه دائر بر ماده علاوه سی تنسیب ایدلمسینه هیئت  
 جلیلیه تقدیم قلندی .  
 ۸ کانون اول ۳۳۷

کاتب	مضبطه محرری	رئیس
ایچایل	منتشا	صاروخان
محمد سعید	دوقور توفیق رشدی	رشاد

اعضا	اعضا	اعضا	اعضا
علی جنانی	شکری	کاکظم حسینی	قونیه

اعضا  
 ارطغرل  
 مصطفی کمال

مواد قانونیه

ماده ۱ - آنا تولیده بویوک وثابت برتلسز تلغراف  
 استاسیونی مباحه و تأسیسی ایچون پوسته و تلغراف مدیریت  
 عمومی سی بودجه سنک ۱۳۶ ( ۱ ) فصلنه یوز بیک لیرا  
 ضم اولمشدر .

ماده ۲ - اشبو تخصیصاتک ۳۳۷ سنه مالیه سی  
 طرفنده صرف اولونه میان قسمی دوراً اوچ یوز اوتوز  
 سکنز سنه مالیه سی طرفنده دخی صرف ایدیله بیله جکدره  
 ۳ - اشبو قانون تاریخ تصدیقندن معتبردر .

۴ - اشبو قانونک اجراسنه داخلیه و مالیه وکیللری  
 مأموردر .

وهی افندی (قونیه) - افندم! بو کبی ترقیاته  
 عائد اولان مسائل آرزو اولونماق اولماز. هر حاله  
 آرزو اولونور برشیدر. و لکن بتم بر شهم وار: آقره  
 ایله قونیه آرهنده تللی تلغراف تأسیس ایدمه مین بر ملت  
 ناصل اولیورده بورادن پارسه قدر تلسز تلغراف یا بیور  
 عرض ایتش اولدیغم مسئله بلکه: ۳، ۵ بیک لیرا ایله  
 اوله جق بر مسئله در. بوکا کلنجه: افندم! بودجه مزک  
 حالی معلوم یا بوندن دهامهم مسئله لر وار. بناء علیه؛  
 پاره مزنی او مهم مسئله لره صرف ایتک ده اولی؛ اهم  
 دکلی؛ اوت؛ اهم؛ اولی در. شو حاله؛ بو کون تلسز تلغرافه  
 یوز یکر می بیک لیرا صرف ایده جک زمانده دکلز .  
 افندی لر! بورادن طرزونه، بورادن باطومه تلسز  
 تلغراف زوار. حالبوکه: مع التأسف مخبره ممکن دکلدر.  
 بو کون روزگار مساعده ایتدی، یارین هوا بحرانیدر.  
 او بر کون ده بلوطده بیلمم نه واردر . اونک ایچون بر؛  
 سیاسی، مهم مسئله ایچون یا بیلیورسه بو سیاسی، مهم  
 مسئله به بو خدمت ایتیه جکدر و ایتیمور افندی لر... بونسکله

برابر سزه بر شی دها سویلیه حکم : کچنده لوندره به کیدن هیتمزک بورایه تلسز تلغرافله ویرمش اولدیغی سوزلر و افادات بوراده، رجا ایدرم، هیئت وکیله طرفندن طوغری اوقونه بیلدیمی؟ ونه دیدکلری لایقیله آکلاشیله بیلدیمی؟ نه دن بویله اولیور؟ دیدیکمزده افندم! ایی چیقماش ایی آله مامش ده اوندن... دیمه دیلرمی افندیلر؟ صکره افندیلر! اولورکه: بر مسئله ده بش بیئک کله بردن ویریه جک اولور. بو بش بیئک کله یی تلسز تلغراف اون بش کونده ویرر. اونک ایچون چونک آغزنده کی قضالری یکدیگری نه ربط ایتمه دن پارسه بر تلسز تلغراف فائده سزدر. افندم. کاشکه اولسه... فقط؛ ملت بوندن استفاده ایدمه جه جکدره. رجا ایدرم حکومت بو کبی شیلری تکلیف ایتمه سون!

توفیق رشدی بك (منتشا) — آرقداشلر! موضوع بحث اولان مسئله ده موضوع مؤاخذه برشی وارسه او ده: بو ایشک بو کونه قدر کچیکمیش اولمسیدر. چونکه: مقدر آتمزک هیچ شهبه یوق مملکتک چوققلرینک فداکار لغنه باغلی اولمسیله برابر، جهان مقدراتیله علاقه دار اولدیغیمزی ایچمزده انکار ایدم جک کیمسه یوقدر. هر کون دنیانک هر نقطه سنده نه اولدیغنی خبر آلمق و اوندن دها فضله بوراده ناصل برایشلر ونه امله چالیشوب اوغراشدیغیمزی دنیایه هر آن خبردار ایدم بیلیمکمز ایچون پک آز بر تخصیصات ایله مالک اوله بیلیمک امکانی اولان بر آلتدن محروم قالمق لغمز جدا شایان تأسفدر. دولتلر متفقلری ایله چالیشیرکن هر دقیقه نه یاپدقلرینی بیلیمک ایستیه یورلر. بزم متفقلری یز یقین و اوزاق بر چوق یرلرده بولنیورلر. نه عالمه اولدقلرینی، هر کون نه کبی وقایع سیاسیله نك بزنی علاقه دار ایدن نقطه لر زنده بزه خبر ویرمک امکاتی بوله میورلر. تلسز تلغرافک کرک ارشاد و پروپاگاندا بچنده کرک سیاسیات عمومیه خصوصنده لزوم و فائده سنندن دها اوزون و دها چوق حضور یکزده بحث ایتمک حجاب ایدرم. آتیق دوشونیه جک بر نقطه واردرکه: اوده نصل بر آلت اولمکی که: وهی افندی حضر تلرینک بو یوردقلری محذورلر معروض بولونمیه لم حقیقه مملکتمزک؛ بو کبی

اینجه آلتی قوللانمسینده کی تجربیه سنلکی نظر اعتباره آلهرق بونک الک ساده، الک قوی و شه سزکه: بودجه مزیدی نظر اعتباره آلهرق الک اوجوزینی دها طوغریسی پاره نقطه سنندن بزه دها فائده لی اولان بر دیاردن کتیرمک ضرورتی دوشونمکده یز. شایان تشکر دررکه: بو کون بو امور تلغرافیه نك باشنده جدا بوصفته چالیشمش، اوغراشمش و اصولی دائره سننده او کرشمش متخصص بر ذات وارد. بزنی ایستدیکمز و جهله تنور ایندی. وانجمنکمز بو کاتمامیله قانع اولدی. شیمیدی وارد اولان اعتراضاتدن تللی تلغرافه کلنججه: اونک بو مسئله ایله تعلق یوقدر. او خصوصه دائر مأمور طائی بوراده حضور یکزده جواب ویرمیلدر. هر حاله؛ آرقداشلر چوق رجا ایدرم. ایکی سنه دنبری بو آلتدن محروم قالدیغمز سببیه پک چوق ضرر لرینی چکدک. اوروپایه کیدن آرقداشلر مز یعنی: قوتقرانسه کیدن آرقداشلر مز بزم نقطه نظر مزه عرض احتیاج ایلدکجه معلومات آلمرینه امکان اولدی. حتی سزه بروقه خاطر لاته ییم: موسقواده بولندیغمز صراده هیمزنی خلجان ایچریسنده بر اقان غرب اردوسی حرکاتده دوام ایدرکن زرده بولندیغیمزی، نه وضعیتده اولدیغیمزی او کر نمه نك امکانی اولیور. و سوزلریمزی اداره ایدم میوردق. هیچ شهبه سز آرقداشلر بدن زیاذه لزوم و اهمیتیته قانع اولدیغی بو مسئله ایچون بو قدرله اکتفا ایدلمسنی رجا ایدرم.

طونه لی حلمی بك (بولی) — لایحه اوقونورکن ظن ایدیوردمکه: بو مسئله بلا مناقشه قبول ایدیه جک. هیچ خاطریمه کیوردی که: بو تلسزک علیهنده بر سوز صادر اولسون (سویلنمه مشدر صداسی) افندم! علیهنده سویلنممشدر. اثبات ایدرم خواجه افندی حضر تلرینک سوزلرینی تخطر بیوررسکز. بو تشبثک علیهنده سویلندی. تلسز تلغرافک دکل، بو تشبثک علیهنده سویلندی. بو مسئله بالطبع دوغروندن، دوغری به مملکتک سلامته تعلق ایدن بر مسئله در. خواجه افندی حضر تلری «شوراده قونیه به بر قاچ کیلو مترو لک تللیسنی یابه میان بر ملت تلسزینی می یابه بیایر» بو یوردیلر. حالبوکه: له لزوم اولدیغی ایچون تلسزینی دها قولای

خواجه وهبي افندی حضرتلری جداً مهم برقاچ مسئلهدن بحث بیوردیلر . بر کره بیوردیلر که : اولاً تल्ली تلغرافی ایشلهده مزکن تلسز تلغرافی نصل ایشلهده جکز ؟ . افندیلر ! بیلسکز که : تجددک افکار وحسیات اوزرنده تأثیراتی بیوکدر . برچوق کوچک ایشلر واردر که : مؤخرأ ایجاد ایدلدیکندن دولایی تأثیرلری بیوکدر . ارباب فن نظرنده تلسز تلغراف تल्ली تلغرافدن دها زیاده سهلدر . اصل مشکل اولان تल्ली تلغرافدر . چونکه : تلسز تلغراف دها زیاده قوانین طبیعییه موافقدر . ودهاسهل اولق ایجاب ایدر . بتون تابع اولدیغی قوانین خواجه وهبی افندی حضرتلرینک آغزندن چیقان صوتلرینک تابع اولدیغی قانوندر . اک طبیعی اولان سوز نصل آغزندن چیقار وایشیدیلرسه تلغراف مخبر اتندهده طبیعی اوله جق شی بوکبی قوانین طبیعییه موافق اولان بر سوزدر . یالکز تلسز تلغراف مؤخرأ ایجاد ایدلدیکندن دولایی معین خیال ونظرده عظیم کورونور . فرق بوندن عبارتدر . یوقسه فی نقطه نظرندن تحلیل ایتش اولورسه کز کوچوک برتلك اوزرنده غایت اوزاق مسافه لرده جزئی برقوتله بیوک مخبرات نقل ایتک بیوک برشیدر ، بیوک مسئله بودر . اصل محیر العقول اولان جهت بودر . یوقسه یوکسک برقوتله هوای نسیمییه تأثیر ایدرک صوتک بویله اوزون تلغراف یازمق بوزره مخصوصدر . دنیاده بش بیک کلهک تلغراف یوقدر ، بونلر اندردر . صوکره تصور ایدلم که : بز بش بیک کلهک ویردیلر . اک عادی برتلسز تلغراف محقق ساعتده درتیوز ، بشیوزکله نقل ایدر . بناء علیه ؛ بز بش بیک کلهبی حد اعظمی اون ساعتده نقل ایدرز . صوکره افندیلر ! هر وقت بزده برمحویت واردر که : مع التأسف او محویت بزده برچوق شیلر غالب ایتدیریور . تلسز تلغرافک تاریخنده تورکیانک بیوک برموقع مخصوصی واردر . تلسز تلغراف ( ۱۹۰۰ ) سنه سنده کشف ایدلدیکی زمانده ۱۹۰۳-۱۹۰۴ تاریخنده هنوزدها ایلک تطبیقاتنده بزده ( کله مش ) ایله ( درنه ) آره سنده تلسز تلغراف یا بلدی . و بزبونی آلتی بیک لیرایه آلدق . بو استاسیونمزک تأسیسیله تلسز تلغرافک ترقیاتهده

یا پار . افندیلر ! اکر بز بو تلسز تلغرافی یامزسه ق عجباً نه کبی ضرر لر کوره جکز ؟ توفیق رشیدی بک آرقداشمنز بو جهتی اولدجه ایضاح ایتدیلر . بنده کز ایکی مثال کتیره جکم : فرانسنز ائتلافنامه سی طولایسیله و اونک مذاکره سی طولایسیله آرقداشلمز دن و خارجه وکالتندن بعض مأمورلرک متعدد کره مرسینه قدر ، فلان ره قدر کیتمک مجبوری حاصل اولدی . زیرا تلسز تلغراف یوقدی . وقوتلی برتلسز تلغراف اولدیغی ایچون مخبره ایدیله میوردی . اوندن طولایی اونلره قوجاق دولوسی خرچراه ویرلدی ، تضمینات ویرلدی ، تخصیصات ویرلدی . ونهایت برچوق بیوده مصرفدن صکره ائتلافنامه یی عقد ایتک نصیب اوله بیلدی . ایکنجیسی : غایتله مهم اولان موسقوا اتحادنامه سی ، تحظر ایدرسکز که : نه قدر اوزامشدر . و مخبره سزک دولایسیله آرقداشلمز دن بری موسقوادن قالدقهرق بورایه قدر کلهک مجبور اولمشدر . افندیلر ! ظن ایدرم بز بو یوز بیک لیرایی اورایه صرف ایتمه مش اولسه ایدک ، تلسز تلغرافه صرف ایتش اولسه یدق یعنی : بر سنه اول تلغراف یامش اولسه یدق بو لزومسز پارهی قطعاً ضایع ایتیه جکدک ، خواجه افندی حضرتلری بیوریورلر که : طرزونده فلان و فلان رده وار .

وهبی افندی ( قونیه ) — اوت ؛ طرزونده وار .

طونه لی حلمی بک ( بولی ) — نه وار خواجه م ؟

وهبی افندی ( قونیه ) — تلسز تلغراف وار .

طونه لی حلمی بک ( دوامله ) — مساعده بیورک !

هرشیدک کوچکی وار ، بیوکی وار . ایسی وار ، فاسی وار . افندیلر ! بزبو یوز بیک لیرا ایله ، اون بیک لیرایه آلتان ماکنه نک باشنه برباش ماکنه قویه جغز و اوسایه ده جهانک خبرلرینی آن واحدده بلکه آلمغه مقتدر اوله جغز . و بوسایه ده برچوق مسائل سیاسییه مز ، مسائل اقتصادیه مز حل اولنه جقدر . بن آرقداشلمز ! بونک بلا مناقشه قبولی تکلیف ایدیورم . چونکه : سوز سویلیه رک وقت غائب ایتک یوز بیک لیرایی ، یوز اون بیک لیرایه ابلاغ ایتمکدر .

پوسته و تلغراف مدیر عمومی صبری بک — اقدم !

خدمت ابتدی • فابریقه نك سر مهندسی دیدی که :  
 افندیلر ! بویکی استاسیونی یا بق ایچون قوانینه توفیقاً  
 تأثیرات الکتریقیه یی ایصال اتمک بیوک برشی دکلدنر •  
 نصرت افندی (ارضروم) - صبری بك، ذات عالیگذدن  
 برشی صوره جفم ؟ نه ایچون ؟ بدایه انسانلر تللی  
 تاغرافدن باشلامشدرده صوکره تلسز تلغرافی ایجاد اتمشدر  
 [ او صدالرئ ]

مدیر عمومی صبری بك ( دوامله ) - بیوردیغکنز  
 نقطه نظر معقولدر . فقط ؟ افندیلر ! بیلیرسکنز که :  
 تجددات و کشفیات دائماً سلسله منطقیه تعقیب اتمز •  
 بعض تصادفلر هیچ بکله نیلمه دن بیوک برواسطه فیه یی  
 وجوده کتیره بیلیر • افندی حضرتلرینک بیوردقلری  
 تللی تلغرافی ایشله تمکده کی عجزی کوسترمک ایچون  
 افندیلر ! سزه مبالغه کلیر که ؛ بن دییه جکم که : پوسته  
 وتلغراف ( کورولتیلر ) اوروپادن زیاده ( بو طرف  
 ایشیده میور صدالرئ ) افندیلر ! عفویکزه مغرور فقط ؛  
 سوزیمی سوء تلقی اتمه یکنز و لطیفه حمل  
 بیورمایکنز • جدأ سویلیورم • دنیاده اک بیوک  
 موفقیتله تللی تلغرافی ایشله تن تورکیادر •  
 افندیلر ! هر درلو وسائط فیه یه موافق اوله رق یاپیلان  
 تجهیزاتی ایشلتمک قولایدنر . مساعده بیوریکزن افندیلر !  
 اوروپاده ؛ دیاربکر قولپ آره سنده بر فنجان اولمدینی  
 حالده بن تلغراف ایشله تیورم ، دیرسه آدمه کولرلر •  
 فقط ؛ ایشه دیاربکر مبعوثلری بکلر شرق مبعوثلری  
 بکلره صوریکزن . ایشله دیوروز • صوکره افندیلر ! خطلری  
 کزرن کن کوردیکزن . تللرک اوزرنده بر ( مجرد ) دینلن  
 وناقلیتی تأمین ایدن بر طبقه واردر . نرم تللرده بو طبقه  
 چوقدن بیتمشدر • تللر پاس ایچریسنده در افندیلر !  
 ایشه ؛ بز بوتللی ایشله دیوروز • افندیلر ! عفویکزی  
 استرحام ایدرم ( اسکی بعض اعتیاداتک تأثیریه المی کرسی به  
 ووریورم ) خواجه افندی حضرتلری بیوردیلر که : یا  
 زه لوندره دن بش بیك کله ویرلرسه نصل اولور و بز  
 بونی اون بش کونده نقل ایده میز دیدیلر • تام اوچیوز  
 بیك فرائق زیان ایتدک . فقط ؛ مقابلنده ایکی ملیون قزانلق .

چونکه : سزك سایه كزده و مملکت مزده مهم تجربه لر  
 یابدق سیستمه زده ده تکملات حصوله کتیردک . اصولز  
 اوروپاده دیگر سیستملرینه فائق اولیوردی و او سایه ده  
 بیوک پاره قزانوروز • سلطان حمید دورنده طرابلس  
 غرب ایله اولان مخابراتی تلسز تلغراف ایله اجرا ایتدک .  
 وانکلین قابلولرندن مخابره مزی قورتاردق ، منافع مملکتی  
 تأمین ایتدک • وبوندن دولای توریکیا تلسز تلغراف  
 ایشله تمکده کی رشدینی ده ۱۹۰۵ سنه سنده یعنی بوندن  
 اون بش سنه اول اثبات اتمشدر . وهی افندی حضرتلری  
 برشی بیوردیلر ، دیدیلر که : طرزونده بر استاسیونمز  
 وار • اوت وار فقط ؛ افندیلر اون یاشنده بر چوجوق  
 قره احمد پهوانک قارشینسه چیقاراق یره وور ! دیرسه کنز  
 اولورمی ؟ بونک کبی هر قونک بر درجه سی واردر •  
 طرزونده کی استاسیونک قوتی آنجق درت بش یوز  
 کیلومتره قدر ایشله یه بیلیر . چونکه ۵۰۰ - ۶۰۰ ، فضله  
 کیده مز • بز کر اوکا ایجاب ایدن قدرت الکتریقیه یی  
 ویره بیلیر سه ک . آلتیوز کیلو مترو دن البته فضله کیدر •  
 هر استاسیونک قوه ابتدایه سی درجه سنده مسافه  
 مخابره سی واردر • خواجه وهی افندی حضرتلری  
 تأثیرات الکتریقیه یی موضوع بحث ایتدیلر . افندیلر !  
 حربدن ۳-۴ سنه اول روماده برقونغر آچیلدی . روماده  
 تلغراف مأمورلرینک آره سنده یاپیلان مسابقه ده هیئت  
 مخابره دن بریسی دیدی ، که : سز تورک مأمور ایکنجی  
 چیقدیکنز . فقط ؛ سزی مدافعه ایده جک بر مرخصکنز  
 اولمدیغندن بر نیجلیکی غائب ایتدیکنز • تورک مخابره مأموری  
 رومادن برنجی چیقماق استعدادینی کوستردی . افندیلر !  
 ۱۹۰۵ سنه سنده یابمش اولدیغمز تلسز تلغراف هنوز ده  
 خاصه بحریه سنی چوق حائز اولمدینی زمانده هر درلو  
 تأثیراتدن چوق متأثر اولدینی بر دورده ایدی که : بن درنده  
 بولنیوردم . او زمان درنده بر یاپاس قتل ایدلمش ، بر  
 مسئله سیاسییه واردی . مابین غایت مهم بر تلغراف  
 تبلیغ ایدیوردی . طرابلس غرب والینسه کله مشدن  
 بر سطر ، ایکی سطر آلق . تلغراف سه دینیوردی که ؛ بو  
 تلغرافک اقل اوچ ساعت ظرفنده قوماندانه ابلاغی لازمدر .

چونکه فوق العاده مهم بر مسئله سیاسیهی حازری .  
 اوئانده سمان بر الکتریق بارانی بوشانیوردی . امکانی  
 یوق ، مخبره ایتمه نك . تلغراف ما کنه لری معاینه ایدیورم .  
 باردادن بوشانیرکی الکتریق سمان بوشانیور . بر قولانغی  
 صاغیر اولان بر مأمورم بکا دیدی که ؛ « اوچ کون بکا  
 مساعده ویره جکسکز . اوچ کون اذن وعد ایدیکز  
 بن بو مخبره یی آلیرم » بنده « سکا اوچ کون دکل اوت  
 اوچ کون مساعده ایده رم » ، دیدم . افندیلر !  
 او طوردی . او بر ، قولانغی صاغیر اولان مأمور بتون  
 بو تأثیرات الکتریقیه ایچنده یوزده بش خطا ایله ،  
 تمام درت ساعتده تلغرافی آلدی . اگر لوندردن کلن تلغراف  
 ایی التمامش ایسه او استاسیونده کی مأمور اهل دگلش .  
 عجبا استاسیونده کی مأمور مرکز آلمقده کی اهلیتسنزلکی ، ایشلتمکده  
 کی اهلیتسنزلکمز ، عدم موقیتمز دال اوله بیلیری ؟  
 ( کافی صداری )

افندیلر ! عجبا بو کون تلسز تلغراف ما کنه سنی آله می ؟  
 آیه می ؟ طبعی در که : بونلرک تفصیلاتی ذائددر . احتمال که  
 بو کون تلسز تلغراف استاسیونی یا به جغز . بلکه ایشله ده  
 میه جکز . فرض محال اوله رق ، بویه قبول ایدیکز .  
 کوریورسکز که : افندیلر ! مملکتمز بو کون آوروپا  
 ایله ، بتون دنیا ایله مناسبات تلغرافیه دن مجرد بروصیت  
 آلمشدر . بزم بللی باشلی آوروپا ایله براییکی طریقمز وار .  
 بریسی استانبول طریق . مع الاسف ؛ اوسوکیلی وطن ،  
 اوسوکیلی پای تخت دشمنک آئنده . بو کون تللی تلغرافله  
 مخبره مزده بیله انکلیرلر بتون تلغرافلری میزی ( بانه )  
 آلیور ، اوقیور ، بو قدر تجسس کوسترن دشمن بزم مخبرات سیاسیة  
 مزده عجبا اونی تحلیل و تشریح ، تعمیقه اوغراشما میزی ؟  
 ایکینجینی ردوس طریقدر که : شیرا آطه سنده کی قابلو  
 ایله آوروپا به مربوط بولنیورز . شیرا ، بو کون بتون  
 مملکتک قانی آهنن اُک خان دشمنک مملکتنده بر یردر .  
 اونک مرکزندن کچه جاک هیچ بر تلغرافمز برینه وار ایلیری می ؟  
 هیچ دشمندن اونی بکار میسکز ؟ بو کون بزم قانمی  
 ایچمکه ذوقیاب اولان دشمن اک بیوک سیاستمز عائد  
 اوله جق تلغرافی کچیرمک لطف و عاطفتنده بولنورمی ؟

طبیعی بوئی قبول ایتمسکز . اوچنغی طریقمز ؛ بو کون  
 باطوم اوزرندن یا پیلان خطمزدر . اساساً طریزونه تلسز  
 تلغرافه لزوم یوقدر . چونکه : بو کون باطومده قره دن  
 تلمز موسقوا ایله مخبره جریان ایدیور . یقین زمانده  
 تکامل ایده جکدر . فقط ؛ سزه سویله جکم ، غریب کلیر .  
 مخبر آئنده کی تأخر آئدن دولایی چوق شکایتلر واقع اولدی .  
 ونهایت روس سفارتی مستشاری کلدی . دیدی که : خطا  
 سزده دکل ، بزده در . یعنی او طریق ایسته دیکمز تکاملده  
 یورومز . صکره بر چوق حادثاته تا بیدر . کیچکن بوتون  
 تلغرافلر طبیعی المانیادن یعنی اوزون مسافه لر دن دولاشه رق  
 ایجاب ایدن محملره کیده جکدر ، که : دوشونکمز بو ، نه  
 قدر اوزون اولور . بز اوله بر حادثه ایچنده یز که :  
 ایجاب ایتدیکی زمان مقصد میزی ، املمزی بر آئنده دینانک  
 هر اوچنه ایصال ایتمک کلمز ایجاب ایدر . سزی تأمین  
 ایدرم بعض اوله معامله اولور که : بر تلغراف ، ظن  
 ایده رم که : یوزبیک لیرایه صآون آلتماز . بوراده بن امید  
 ایدرم که : تلسز تلغرافی ایشلتمه مکله دکل ، شمدی به  
 قدر تکلیفده کچ قالدق ، دیه مؤاخذه ایدلملیدک .  
 بن بوئی سزه مواخذه کزدن اول اعتراف ایده می : بو باده  
 چوق کیچیکدک . انجمن مضبئه سنده بوکا عائد بعض  
 ایضاحات وار . بونلری ایضاح ایتمکه لزوم کورم . بویه  
 قیدلرده مقید اولما لیدر . بونک ایچون حکومت بوئی  
 تأسیس ایتمک ایچون تکملات اخیره دن استفاده ایتملیدر .  
 افندیلر ! حرب عمومیده تلسز تلغراف اوله بر خارقه  
 کوستردی که : بوئی سزه تعریف و تشریح امکان یوقدر .  
 بن سزه شونی عرض ایده می که : افندیلر ! بو کونکی کی  
 وسائطک فقدان ایچنده اوغراشیرکن آلمانلرک اک بو بوک  
 ومدهش تلسز تلغرافلری ساعتده ۳ - ۴ بیک کله نقل  
 ایدن مدهش تللی ما کنه لری ایله چالیشمق ممکن ایکن  
 بیله کندی حدودلریله تورکیا حدودلری آره سنده کی  
 مخبراتی تلسز تلغرافله یا پیوردی . بونک نتیجه سی اوله رق  
 ( عثمانیه ) نامیله بنام استانبولده مدهش تلسز تلغرافک  
 تاریخده جدا بر اثر نفیسی اولان استاسیونی یا پدیرمق  
 مجبوریتده بولنمشدی . صکره بیلیورسکز که : سریع



ریاست حلیله

مذا کره کافی کوریله ريك انجق تلسز تلغرافك يوز بيك ليرايه مبايعه ايديله مامسى حالده علاوه تخصیصات ایچون بک برقا توندها احتیاج حاصل اولماسی و برسنه لك بنزین وسائره مثلوا ائز مه نك ده برلكده اشترا و چلبی ضمننده انجمنجه قطع ایدلش اولان یكری بيك لیرانك ده علاوه سیله قانونك يوز یكری بيك لیرا اولوق اوزره تعدیلاً قبولنی عرض و تكلیف ایلرم . ۲۴ كانون اول ۳۳۷ آماسیه

عمر لطفی

رئیس — افندم! انجمن بوکادائر برشی سویلیه جگمی؟ رشاد بك ( صاروخان ) — مضبطه مزده ایضاحات واردد افندم! يوز بيك لیرا ایله تکمیل لوازمیله برابر مبايعه اولنه جنی واردد . و قابلدرد . يوز بيك لیرا کافیدرد . رئیس — او حالده؛ ماده لره کچیلمسنی رأیه قویه جغم . ذاتاً ماده لره تعلق ایدر برشیدر بو . ماده لره کچیلمسنی قبول ایدنلر لطفاً ال قالدیرسون ! ( قبول ایدلشدرد )

ماده ۱ — آنا طولیده بو بوک و ثابت برتلسز تلغراف استاسیونی مبايعه و تأسیس ایچون پوسته و تلغراف مدیریت عمومیه سی بودجه سنك ( ۱۳۶ آ ) فصلنه يوز بيك لیرا ضم اولنشدرد . رئیس — افندم ! بو ماده یه دائر سوز ایسته یین وارمی؟ ماده یه دائر سوز ایسته یین یوق . عمر لطفی بلك تکلیفی بو ماده یه دائر بر تعدیلنا مه در . یكری بیك لیرا علاوه سنی تکلیف ایدیورلر . علاوه سنی قبول ایدنلر لطفاً ال قالدیرسون ! ( نظر دقته آلمانادی ) . او حالده ماده یی رأی عالیکزه وضع ایدیورم . ماده یی عیناً قبول ایدنلر لطفاً ال قالدیرسون ! ( ماده قبول ایدلشدرد افندم )

ماده ۲ — اشبو تخصیصاتك ۳۳۷ سنه مالیه سی ظرفنده صرف اولنه مایان قسمی دوراً ۳۳۸ سنه مالیه سی ظرفنده دخی صرف ایدیله بیله جگدر .

رئیس — ماده حقنده سوز ایسته یین وارمی؟ سوز ایسته یین یوق . تعدیلنا مه ده یوق او حالده؛ ماده یی رأیکزه عرض ایدیورم . ایکنجی ماده یی قبول ایدنلر لطفاً ال قالدیرسون ( قبول ایدلشدرد افندم ) .

ماده ۳ — اشبو قانون تاریخ تصدیقندن معتبردر .

ماده ۴ — اشبو قانونك اجراسنه داخلیه و مالیه وکیللری مأموردرد .

آلتلر استانبول ایله بغداد واستانبولله حلب آره سننده ایشرکن بغداد جهتنه یکی کتیر مشلردرد . افندیلر! انقلاب حیاتی ، مجادله حیاتی یاشایان ملتلر هیچ بر زمان تلسز تلغرافدن مستغنی اوله ماز . و بو خصوصده کی اهالی کنیدیسی ایچون غایت آغیر ضرر لر یی موجب اولور . فقط؛ بو کونکی بحرانی زمانلرده بلكه حکومتتمز ایچون يوز یكری بیك لیرا بر قیمتی ، بر آغیرانی مستلزمدر . فقط؛ بونی فدا ایتمك لازمدر . ( قبول صدالری )

امیر پاشا ( سیواس ) — ذات عالیکنزك بو ارشاد اتندن دولایی مجلس سزه بالحاصه تشکر ایدر . یالکنز برشی وار که ... ( کیمدن وکات آلدیکز صدالری ) بن کندی حسابمه تشکر ایدیورم . فقط؛ بوفنی اخطار اتکنزی و بو تلغرافك لزومنی بوندن برسنه ، آلتی آی اول اخطار ایتمش اوله ایدیکز ده ائی اولوردی . مع التأسف؛ یاپمه دیکز . بناء علیه؛ وهی افندی خواجه مز تلسز تلغرافك لزومی یوقدر؛ دیمیورلر . لزومنی قبول ایدیورلر، قور قیورلر که: بونی ایشله ده میه جگز . و یا خود صبری بک افندی نك دیکر برطاقم مواعیدی که، بوده او یله بر شیئه تصادف ایتمه سون . طونه لی حامی بک ( بولی ) — پاشا سؤالمی، ایضاحی؟

صبری بک — صمیمی بر حسب حال ... امیر پاشا ( سیواس ) — سزك درایتکنزی، اقتدار یکنزی انکار ایتمیورز . فقط؛ بو کون قیر شهر ندن کلن پوسته تأخر ایتمکده در . خواجه افندی میزی تقید بیورمیکز . بز تلسز تلغرافی قبول ایدیورز . کچ قالدیرغندن دولایی متأثرز .


پوسته مدیر عمومی صبری بک — افندم! پاشا حاضر تلرینك صمیمی مطالعاتنه تشکر ایدرم . یالکنز مساعده بیوررسنه کنز آچیلمشکن برقاچ سوز سویله میم . احتمالکه: وقیله تلغراف مدیریت عمومیه سی بو مسئله یی دوشونمش و تشبث ایتمش اوله بیلیر . مع مافیله؛ اعتراف اولنان جرملر قسماً عفو اولنمش جرملردرد . بن بوسؤالی توجیه ایتمزدن اول اعتراف ایتمشدم . توجه لرینه تشکر ایدرم . ( مذا کره کافی صدالری )

رئیس — افندم ! مذا کره نك کفایتنه دائر آماسیه مبعوثی عمر لطفی بک بر تقریری وار :

۱۱۶ ، وکنج مبعوثی علی حیدر بك ، ۷۶ بر رأیده بومیانده بولی مبعوثی دو قنور فؤاد بکه ویرلمشدر . آلتی کشی ، مستسکف قالمشدر . اوچنجی انتخاب اولدینی ایچون سینوب مبعوثی رضانور بك صحیه وکالتنه انتخاب ایدلمشدر . افندم ! بر مسئله نك مذا کره سی ایچون جلسه خفیه تکلیف اولنیور . لطفاً سامعین صالونی تخلیه ایتسونلر مسئله نی هیئت علیه کزه عرض ایدم حکم .

رئیس — ماده لر حقه ده سوز ایسته یین وارمی افندم ؛ ایکی ماده نی بردن رأی عالی رینه وضع ایدیورم . قبول ایدنلر لطفاً آل قالدیرسون ( قبول ایدلمشدر ) قانونک هیئت عمومی سنی تعیین اسامی ایله رأیکزه وضع ایدیورم رایکزی لطفاً استعمال بیوریکز . صحیه وکالتی ایچون اجرا قلنان اوچنجی انتخابک نتیجه سنی عرض ایدیورم . رأیه اشتراک ایدن ذواتک عددی ۱۹۹ در . نامزدلردن سینوب مبعوثی رضانور بك


### اوچنجی جلسه خفیدر



### دردنجی جلسه

رئیس : رئیس ثانی عدنان بك افندی

کاتبلر : عاطف بك ( قیصری ) محمود سعید بك ( موش )



عبدالغنی افندی موش ، عبدالغنی افندی سیوه رك ، نجیب بك ارطغرل ، رضابك استانبول ، علی واصف بك کنج ، توفیق رشدی بك مقله ، جلال بك کنج ، فائق بك ادرنه ، محمد نادربك اسپارطه ، شکری افندی قره حصار صاحب ، علی سروری افندی قره حصار شرقی ، مدحت بك مار دین ، رشدی بك ارغنی ، مصطفی حلمی افندی نیکده ، خواجه اسعد افندی آیدین ، وهبی افندی بتلیس ، حق بك وان ، عابدین بك لازستان ، حسن صبری بك درسم ، فوزی پاشا قوزان ، سلیمان سری افندی یوزغاد ، جمیل بك کوتاهیه ، سری بك سیوه رك ، مصطفی کمال بك ارطغرل ، طولانی حلمی بك بولی ، ضیا خورشید بك ، لازستان ، ادهم فهیمی بك مقله ، بکر سائی بك آماسیه ، ممدوح بك قره حصار شرقی ، صلاح الدین بك حر سین ، حسن افندی دکزلی ، امین افندی آیدین ، خسرو بك طربزون ، حاجی احمد افندی موش ، قدری بك دیار بکر ، نصرت افندی ارضروم ، مصطفی بك درسم ، حسن فهیمی افندی بروسه ، وهبی بك نیکده ، راغب بك کوتاهیه ، امیر پاشا سیواس ، واصف بك سیواس ، بسیم بك قسطنیونی ، اسماعیل بك ارضروم ، حق بك ارغنی ، مصطفی بك توقاد ، بصری بك قره سی ، زهت بك ارغنی ، نبیل افندی قره حصار ، علی رضا بك قارص ، محمد روشن بك کوشخانه ، دو قنور مظهر بك آیدین ، محمود سعید بك موش ، نعمان افندی استانبول ، صدیق بك چوروم ، لطفی بك ملاطیه ، مفید افندی قهرشهر ، خلیل ابراهیم افندی ایزمیت ، سری بك ارغنی ، حمد الله صبجی بك آنطالیه ، حمدی بك ارطغرل ، عزت بك توقاد ، نوری بك بولی ، شکری بك جانیک ، عالم افندی قیصری ، رؤف بك سیواس ، عثمان نوری بك بروسه ، اور اتور امین بك بروسه ، حسین عونى بك توزان ، مصطفی بك کوشخانه ، عبدالحق توفیق بك درسم

رئیس — افندم ! جلسه نی آچیورم . آقره یه برتلسز تلغراف استاسیونی تأسیسی و تلسز تلغراف مباحه سی حقه ده کی قانونک تصنیف آراسی نتیجه سنده ۱۷۶ کشی رأیه اشتراک ایتمش ۸ رد و ۴ مستسکفه قارشى قانون ۱۶۴ رأیه قبول ایدلمشدر . بازار ایرتسی کونی معین ساعتده اجتماع ایتک اوزره جلسه نی تعطیل ایدیورم . — ۴،۳۰ — صوکره اجتماعه نهایت ویرلمشدر

آنطولیده بر تلسز تلغرافی تأسیسی ایچون پوسته و تلغراف بودجه سنه یوز بیک لیرا علاوه سنه

داثر قانونی قبول ایدنلر

رجائی بك طربزون ، حافظ محمد بك طربزون ، جلال نوری بك کلبولی ، فخرالدین بك قارص ، شکری بك بولی ، حاجی نوری افندی سعرد ، نجاتی بك لازستان ، حلمی بك اردهان ، رسم بك اولتی ، یونس نادى بك ازمیر ، رفعت افندی قونیه ، احمد نوری افندی باطوم ، رشاد بك صاروخان ، زلفی بك دیار بکر ، علی وفا بك آنطالیه ، ممتاز بك آنقره ، نجم الدین بك سعرد ، حاجی فیضی افندی العزیز ، محی الدین بك العزیز ، الیاس سائی بك موش ، سینی افندی کوتاهیه ، رفیق شوکت بك صاروخان ، جلال الدین عارف بك ارضروم ، قدری بك سعرد ، جلال الدین بك طربزون ، علی علوی بك بوردور ، راسخ افندی آنطالیه ، بسیم آنالای بك کوتاهیه ، رفعت بك توقاد ، حاجی علی بك ایچ ایل ، احمد مظهر بك استانبول ،

رضا افندی یوزغاد، السید حسین بک ارزنجان، حیدر بک وان، امین بک ارزنجان، حاجی بکر افندی قونیه، مصطفی افندی سیوه رگ، ایوب صبری بک اسکیشهر، محمد بک بیغا، علی بک قره حصار صاحب، دو قنور رفیق بک بایزیده، فکری فائق بک، کنج مصطفی بک قره حصار شرقی، کاظم حسینی بک قونیه، عثمان بک لازستان، شرف بک ادرنه، تریا بک صاروخان.

رد ایدنلر

طوفان بک حکاری، عثمان فوزی افندی ارزنجان، حسن بک وان، سلیمان بک جانیک، حسین حسینی افندی استانبول، وهی افندی قونیه.

مستکفلر

حسینی بک بتلیس، حاجی عاطف افندی آقره.

رأفت پاشا از میر، حاجی قریب آغاملاطیه، شمس الدین افندی آقره، طوراق بک ارضروم، عمر لطفی بک آماسیه، بهجت بک کنغری، سعد الله افندی بتلیس، یوسف ضیا بک بتلیس، فکرت بک قوزان، ضیا بک سیواس، امین بک ارغنی، عثمان قدری بک موش، موسی کاظم افندی قونیه، جلال بک صاروخان، خلیل افندی ارطغرل فکری بک کنج، صدقی بک ملاطیه، یاسین بک اولتی، رسول افندی بتلیس، هطاب بک نیکده، علی رضا بک آماسیه، راحه بک درسم، حمید بک بیغا، تحسین بک آیدین، عارف بک اسکدار، محمدشکری بک کوشخانه، مسعود بک قره حصار شرقی، حافظ ابراهیم افندی اسپارطه، سعد الدین بک منتشا، صادق بک قیرشهر، محمد و صنی بک قره حصار شرقی، دو قنور فؤاد بک بولی، حمدی افندی دیاربکر، انور بک از میر، حق پاشا نیکده.

۱۳۴ - ۱۳۵ نجی اجتماعلر خمیدر

